

10260.99
137
12

風俗
土產
古蹟
金陵
金墓
藩石
封

城池
公署
祠祀
營汎
驛表
坊

戶口
田賦
軍屯
徭役
徭積
蠲恤

蕪州志之二

新州志卷之三

知新州事夏津潘克



地理志 下

風俗

化於上曰風習於下曰俗其奢儉醇駁之較若性生者雖治世不能齊也今祇據州舊志及前輩所論列者紀於篇凡四禮之相沿時令之相尚民間徵逐從宜之故皆得而考焉志風俗

盧絃曰凡風俗大端無過奢儉儉所尚也而實與野有

新州志

卷之三

風俗

一

辨奢所戒也而實與禮有辨絃生也晚猶及見吾新長老遺風賓賓然相先以孝讓周規折矩博帶哀衣所謂文學近於鄒魯者殆謂是歟至於敦尚節義閭門肅然別嫌明微尤稱善治小民之家重本業勤貿遷知所止足不敢妄生邪心不好訟里巷有爭輒與解山野之氓有至老死未嘗游市井者風俗之醇茂以尚矣寢及末世季好用多煩漸鄰誇鬪爰啟殲戮之禍論者謂數極滿盈天道所忌亶其然乎考舊志修於明嘉隆間猶余所謂先民懿軌也而作志者已鯁鯁然有江河日下之憂

若見後此者其爲蒿目當何如耶邇乘喪亂之餘生理未復民間侈靡相耀甚者妨貴陵長加大破義之事亦多有焉夫

聖朝開創伊始嘉與海內返樸還醇家凜奇衰之禁斯國綿有道之長則主持風教者不無責也

四照堂集

蕘春人性躁勁風俗果決包藏禍害視死如歸此則其舊風也自平陳之後其俗頗變尙淳質好儉約喪紀婚姻率漸於禮

隋書地理志

蕘州風氣和平士習文雅其俗舊號龐樸而近亦漸趨

蕘州志

卷之三

風俗

二

侈靡有三吳風蓋綠地闢湖多生理頗易良民以國稅爲急以息訟勸農爲務固易地樂土也

湖廣總志

立春之日塑土牛芒神於東門外元紘觀州官率僚屬詣觀迎春回署鞭春禮畢食春餅官紳士庶戶貼宜春二字

舊志

正月元日五鼓後州人悉洒掃廳宇門貼春符簷插梅栢競陳蠟炬茶果等物焚楮爆開門長幼悉正衣冠以次拜賀尤敬禮城隍諸神三日內輟市肆各盛服陳饌爲禮三日後彼此宴會謂之春酒各攜具祭奠先墓又

迎儺賽民家有世沿爲例者 舊志

十五日迎紫姑神以下將來蠶事並占眾事 荆楚歲時記

江淮間俗尚鬼正月必衣服箕帚爲子姑神或能數數

畫字 見東坡集

按子姑神俗謂之茅廁姑

自十日至十五日鄉城多爲龍燈之戲 志畧

二月十五日俗謂之花朝節婦女相邀於是日踏青 志畧

社日四鄰並結綜合社牲醪先祭神然後饗其胙

清明日士民於是日掃墓

蕪州志 卷之三 風俗 三

四月八日諸寺各設香湯浴佛共作龍華會州民各食

烏米飯謂之青精飯 志畧

五月五日端午採艾以爲人懸門戶上以禳毒氣 荆楚歲時記

州人是日插艾葉菖蒲於家廟巫祝例送硃砂黃楮符

貼之門壁日正午闔家飲硃砂雄黃菖蒲酒亦記用塗

眉耳諸處月內焚蒼朮凡男子未畢婚者競送節禮角

黍豚鷺之類女家以紙筆女紅答之自端一日至端午

日競渡龍舟內外皆往觀自元旦外惟此節爲最醫人

多於是日採藥

舊志

按隋書地理志屈原以五月望日赴汨羅土人追至洞庭不見船小湖大莫得濟者乃歌曰何由得渡湖因爾鼓櫂爭歸競會亭上習以相傳為競渡之戲

六月伏日並作湯餅名為辟惡

荆楚歲時記

六月六日諺曰城隍降誕蓋緣始築城之期也是日好事者迎神設燕鼓吹經朝相遞為首名曰半年福

舊志

六月二十六日為二郎神賽會之期州城漕河所費不可貲計

新稿

蕪州志

卷之三

風俗

四

舊俗以六月某日賽二郎神一人前導山民呼行者舉行者名則元人小說所載孫悟空也是日蕪人無遠近皆來就觀輟市肆蕭衣冠立於門出隻雞百錢為壽必請命於行者以致於神一不與則行者機變畢動趨捷若生擊屋瓦器皿應手皆碎乾隆十九年知州錢望悉取像焚之二郎神如故

甲乙存稿

七月七夕州內各士民設瓜果競巧率兒女羅拜於星月之下亦昉古乞巧之遺意也

十五日為中元節士民家各焚楮薦祖

以上舊志

尼僧道俗悉營盆供諸佛

荆楚歲時記

蕘俗七月朔夜於景佑真君廟伐鼓吹螺以小鉦巡於市名放兵望夜如之名收兵兵謂鬼也此十五日士庶家各祭亡者又自九夜至望日七日內斂錢作佛事所謂烏藍盆挈道書云中元考校也

白茅堂集

八月十五日舊俗取促織虫相鬥設高案以貼金大餅焚香秉燭祭月

九月九日四民並籍野飲宴

荆楚歲時記

十月朔日黍臠俗謂之秦歲首

荆楚歲時記

蕘州志

卷之三

風俗

五

仲冬之月采擷霜蕪菁葵等雜菜乾之並為鹹菹

同上

十二月初八日多以蓮棗作粥謂之臘八粥

新稿

考荆楚歲時記十二月八日為臘日諺語臘鼓鳴春草

生村人並擊細腰鼓戴胡頭及作金剛力士以逐疫

楚俗尚鬼而儺尤甚蕘有七十二家邑人顧景星有鄉

儺志與鄉儺作見白茅集茲不贅載

是日並以豚酒祭灶神

荆楚歲時記

二十四日為小除是夕淨厨用神馬草豆香燭之類祀灶謂之送灶至除夕復祀之謂之接灶

三十日爲除日洒掃庭宇貼春聯福字戶上插柏葉夜
間祀祖先家人相聚歡飲謂之團年飲畢幼小衣冠向
長輩前拜謂之辭年長輩以錢分予謂之壓歲通夜不
寐謂之守歲以松竹生柴焚之名曰爆竹醫家例以蒼
朮和丸相餽曰吉祥丹樹雙炭於門以紅紙束之曰將
軍炭

舊志

新俗婚嫁各因門第求配先通以媒妁卜吉擇日先具
問名納采禮聘儀各從厚薄啟用金裝文本家禮女家
具金銀庚牌書年月日答之告諸祖先將婚先期男家

蕪州志

卷之三

風俗

六

再具茶禮釵鈿彩帛羊酒果餅之類送女家並具啟徧
告女之親族謂之團書女家隨力備粧奩先日迎送夫
家比日婿乘輿鼓吹親迎輿前列用家雁取和鳴義用
杯酒取合卺義用提燈取花燭義婿親以輓覆女首登
輿女至婿家或尊長或小姑先爲婦填粧授食用白布
今用紅毡鋪道引入房婿親揭輓行交飲相答拜禮入帷坐
外人俱却避不得見至次黎明起盥沐畢男女先謁祖
先及翁姑闔門長幼女家先具茶果送之拜見時各陳
手輓茶饌爲贄其尊長亦各以釵釧類爲新婦貽朝夕

凡三拜見越三日男具酒筵往謝於女家曰拜門酒女家亦具酒送女曰三朝飯其謝媒妁亦如禮匝月女始歸母家後往來如常雖六禮之成未必盡遵古制然大端民家於婚嫁爲甚鄭重卽臧獲之賤山野之僻男女必先以媒妁遺以聘貲無婚不以正者

親喪隨力先具衣棺沐浴掩殮畢殯於中堂列案於前及燈燭品供以父母遺衣陳尸於柩側男女披髮哭踊闔門先以白布裹頭衣用素三日用牲堂祭成服齊衰期功總麻各以等差執喪之日家或不舉火親鄰相遺

蕪州志

卷之三

風俗

七

以粥卽以布幣及孝服徧告於親族家有不能及者又陳訃單於門里黨聞者咸赴吊相答拜至親代送客更相執事子若孫執杖守柩至七七日而滿寢坐用草薦藉取苦塊義每七日設齋薦亡多用楮錢竭貲不惜親友於帛後各隨厚薄陳祭奠或用祭章牲醴楮帛諸儀喪家答以胙又通里各具旌儀醪送喪家樹旌請親友冠裳尊顯者舉之拜奠畢欵酌而辭退七七日滿子孫及服親徒步具素束徧踵謝或拜諸門外葬必卜吉地仍先期陳告親里其赴帛仍如新喪時或

送以旛仗鼓吹發引日導前送及墓而止或陳路祭遠則或先辭歸相答拜於路貴介家必請官長題主並祀后土其歛宴送胙亦如舉旌禮既葬墓封或用馬鬣或用覆釜封樹畢子捧主鼓樂導送至家堂安位祭拜如禮或歸三日後不時往省亦有廬墓數月而始歸者其他親疎服各以遞降要於古制不相悖也

祭各不同有家祭有祠堂之祭有塋墓之祭子孫衆多者或租出祀田或金出醮積用具牲醴祭畢燕飲分胙而退又家居有歲時伏臘之祭祀神以牲醴祀先以湯

飯楮錢凡遇親生忌日禮亦如之祀神則有祠廟之祭里社之祭儺賽之祭祈禳之祭村野則有春秋社壇之祭祭之日必誠必信習俗所尚有由來也

以上舊志

男子戴瓜拉帽卽查刺之轉音遼道宗名查刺燕居戴六瓣緊窄帽後因以名之崇禎中爭尚瓜拉猶揪子撒兒也

顧氏州志

天啟末婦女梳粧尚浮渲易髻以髻盤旋甚緩名揪子輕幘名撒兒

同上

萬曆前士大夫高冠窄袖末年矮冠大袖婦女亦如之

同上

揖俗曰唱喏古人相揖作此聲唱喏者引氣之聲也唱者唱言也喏即所唱之聲拱手至地大唱聲曰大喏禮之隆也拱手至膝細聲唱曰半喏禮之殺也女子揖必唱萬福今皆無惟姆戲教嬰兒引手曰喏民間婦女相見曰叫叫猶曰唱唱亦唐宋遺風也

同上

土產

物有專產有通產通產不勝書擇其裨益於民生日用者分別紀之其專產竹艾龜蛇良於他處抑地氣

蕪州志

卷之三

土產

九

使然歟志土產

淮南道蕪州土貢白紵簞鹿毛筆茶白花蛇烏蛇脯

唐書

地理志

淮南西路蕪州貢苧布簞

宋史地理志

蕪州東北有百家冶山出蕪竹

明史地理志

蕪州竹以色瑩者為簞節疏者為笛帶鬚者為杖

一統志

十二時竹產蕪州其竹繞節凸生子丑寅卯等字安福

周俊叔得此植之家庭筍而竹者十之三

羣芳譜

白艾蕪州出

一統志

艾葉本草不著土產但云生田野自成化以來以蘄州者為勝用充方物天下重之謂之蘄艾

本草綱目

相傳他處艾炙酒壘不能透蘄艾一炙則直透徹為異也

本草綱目

李言聞蘄艾贊產於山陽采以端午治病灸疾功非小

補蘄艾傳

茶之美者蘄州之團面

本草綱目

宋權茶之制擇要會之地為權貨務六一曰蘄州之蘄

口鎮

宋史食貨志

蘄州志

卷之三

土產

十

雲霧茶出仙人臺味最佳諸茶莫及

菊稿

羅漢菜蘄州三角山出舊傳有異僧種之而去若雜以

葷物即無味

一統志

又名花茶一名瓊枝即越中鹿角

菜之類

彙苑

按仙人臺多產此苗時萌盡東向其味較珍珠菜為

佳

蘄州有三洞一曰龍洞在三角山神龍居之禱雨皆應

而光景變化未嘗表露二曰龜洞在廣教寺龜生其中

品類不一而綠毛者為多三曰蛇洞在蘄州鎮側蓋白

花蛇所聚今不復有矣 夷堅志

綠毛龜蘄州出置壁間數年不死能辟塵 一統志

綠毛龜蘄州以充方物養鬻者取自溪澗畜水缸中伺

以魚蝦冬則除水久久生毛長四五寸毛中有金線脊

背有三稜底中如象牙色其大如五銖錢者為真他龜

久養亦生毛但大而無金線底色黃黑為異爾 本草綱目

綠毛龜所在有之惟蘄州為異大如五銖錢背三稜隆

起如圭腹甲色如象牙頭足皆有金線一團舊說毛中

有金線非也雷動出蟄以清水蓄淨盎中必日一再易

蘄州志

卷之三

土產

十一

久之毛可滿盎旋轉盎中一絲不亂日食去血牛肉四

分碎剪飼之雷收聲入蟄綿裹藏筒中避蚊避蠅之說

皆不然 黃公字說

白花蛇蘄州出能愈大風 一統志

蘄州有白花蛇一名褰鼻蛇諸蛇鼻向下此獨向上頂

有方勝尾有指甲人割破其腹則自赴水中以指甲洗

去其腸蟠屈而死可治風疾 山堂肆考

花蛇湖蜀皆有今惟以蘄蛇擅名然蘄亦不多得市肆

所貨官司所取者皆自興國州諸山中來其蛇龍頭虎

口黑質白花脇有二十四方勝文腹有念珠斑口有四
長牙尾上有一佛指甲長一二分腸形如連珠多在石
楠籐上食其花葉人以此尋獲先撒沙土一把則蟠而
不動以叉取之用繩懸起劉刀破腹去其腸物則反尾
洗滌其腹蓋護創爾以竹枝定之屈曲盤起紫縛烘乾
出斲地者雖乾枯而眼光不陷他處者則否矣本草綱目
蛇死目閉惟斲蛇目開如生出斲界者一開一閉爾雅翼新
稿

謹按斲地花蛇有黃白黑三種黃白二花可貨數十

斲州志

卷之三

土產

三

金黑花不過數金而已昔產龍峯山洞今無有惟三
角山出一歲不能多得土人獲此物必食葷物方可
否則其走如飛牙利而毒如人手足爲所嚙卽時必
以刀斷去稍遲則不能救也今亦有方可治市肆所
貨皆斲蛇非斲蛇花與指甲皆同土人亦莫能辨但
三角山二斲交界之處相傳蛇一逾斲水界則只存
一目斲蛇無是也志畧

烏蛇斲州山中有之乾寧記云此蛇不食生命亦不害
人多在蘆叢中吸南風及其花氣最難採捕多在蘆枝

上得之其身烏而光頭圍尾尖眼有赤光至枯死不陷
如活者稱之重七錢至一兩者為上 圖經本草

蘄州烏蛇頭上有逆毛二寸一路可長半分已來頭尾
相對得此多留進供腹下有白帶子一條長一寸者雄
也 雷公炮炙論

鮑俗呼邵荷魚出江中 一統志

麝蘄州或亦時有其香絕小一子纔若彈丸往往是真
蓋彼人不作偽爾 圖經本草

地榆蘄州里人呼為酸赭 本草綱目

蘄州志

卷之三

土產

三

五加蘄州呼為木骨

圖經本草

蟹出茅山下者黃多而味甘較他處為勝

志畧

鮑出諸家湖水經注云青林湖饒美鮑不及此遠甚

舊志

蘇和泥出挂口

志畧

菸葉出呂宋國番名淡巴菰萬厝間閩中人種之吸取
其烟以禦瘴氣後內地種者漸廣獲利漸多頃年蘄州
青山崇居大同諸鄉種之益盛歲可得十餘萬緡山地
沙土盡歸於河河身日高濱河之田累被潰決利之所
在害亦隨之 陳氏志存稿

筆舊傳百治山竹爲之今百治山無竹業筆者取他境

竹爲之仍名斲筆 新稿

穀屬 以下通產

糶 七月熟惟江 稻 八月熟佳者金沙魚 大麥 小麥

蕎麥 苦麥 豆 有黃綠赤 扁豆 白花 刀豆 豇

豆 陌上者多實 蠶豆 豌豆 梁 秔 黍 脂麻

白黑褐 稷 粟 龍爪狗

蔬屬

筍 芥 蔞 菘 芸臺 菠 芹 苳 馬齒苳

蘄州志

卷之三

土產

古

同蒿 蔓蒿 白花菜 花兒菜 恭 蒿 苳 薺

薑 韭 蔥 蒜 薤 胡荽 藎 大小 萊菔 紅白

薯蕷 藤有青紅白 芋 百合 芡菰 茵 木耳

胡瓜 南瓜 冬瓜 越瓜 茄 絲瓜 甜瓜 色黃

苦瓜 西瓜 壺盧 苜蓿 慈姑 生水田中荒年

蕨 根可救荒 雨花菜 亦名珍 鼠麴 楚之人呼爲米麴

草屬

萬年青 吉祥草 菖蒲 翠屏 洗手香 芭蕉

蒿 鳳尾 虎耳 蓼 苔 萍 蘋 藻 書帶草

藍靛俗名不雅 馴者未錄

木屬

松 栢 桑 梓 槐 樟 楓 椿香臭二種 榆 棠

梨 棗 杉 檀黃白二種 黃楊 栗 檣 柳 株 楊

柳 桐 泡桐 烏白 栢 柞 櫟 皂角 茶

棟 楮 冬青 棕櫚 狗骨 漆近日大同 鄉種之 椒

果屬

杏 銀杏 桃 櫻桃 核桃俗從 李 梅 枇杷

栗 柑 金橘 橙 石榴 梨 棠梨 羅漢果

新州志

卷之三

土產

五

海紅 葡萄 海棠果 山楂 藕 蓮子 芡實

薏苡 菱 烏芋 柚 木瓜 金瓜 柿 柿棗

花屬已入草木果 之屬者不贅

蘭春夏二種 菊 蓮紅白二種有千 葉重臺並頭 千日紅 十姊妹

牡丹 芍藥 繡毬 萱葵 荼蘼 月季 玫瑰

山丹 玉簪 剪秋羅 虞美人 罌粟 六月雪

藏金 金鍾子 子午 石竹 迎春 茉莉籐本木

滴滴金 射干 雞冠 鳳仙 鳳耳 荷苞牡丹

美人蕉 老更嬌一名老 少年 桂紅黃白三種 月桂另種 芙蓉 山茶

鶴頂寶
珠二種

蠟梅

磬口狗蠅檀香三種

海棠

有垂絲西府貼梗三種

玉蘭

辛夷

木樨

夾竹桃

瑞香花

金銀花

紫荊

杜鵑

梔子

木槿

凌霄

伏牛

天竺

西番蓮

鐵線蓮

魚子蘭

藥屬

白朮

出唐家山形如鷲頭者更勝行蘇杭價重朱提

香附

蒼朮

槐花

土茯苓

以上四味偏行各處

桑皮

芫厨

山查

忍冬花

葛根

烏藥

天花粉

王不留行

野菊

苦參

女貞子

絡石

歲蕤

蒼耳

何首烏

金櫻子

蕪州志

卷之三

土產

六

桔梗

紫蘇

茵陳

青蒿

石葦

貫仲

麥冬

威靈仙

石菖蒲

薏苡仁

白蘘

藁本

香薷

骨碎補

劉寄奴

常山

石耳

海金沙

蜀葵

石藤楠

牽牛

青箱子

淡竹葉

茜草

五葉藤

丹參

兒白即獨脚蓮也

馬鞭草

巨骨皮

瓜蒌

羊

躑躅

益母草

夏枯草

旱蓮草

紫花

地丁

血見愁

穀精草

芫花

蒲公英

蚤休

出仙人臺即七葉一

枝花又名重臺金線

草三七

魚腥草

苦棟根

黃精

茯

苓

薄荷

藿香

良薑

石斛

白芨

天門冬

銀魚

石屬

赭石

出麟山者佳為丹青家所珍

水精石

出唐山

沙石

供髹漆用

無名異土

出白水里供髹漆用俗名收由土訛名烏煤土

石灰

有山灰河灰二種

蘇釉石

出隱靜菴

貨屬

木棉

紫白二種

布

紬

白麻

苧麻

大麻

菜子碎

草麻

脂麻碎

紙

出大桴衝

香末

近日桐梓河出此松屑為之

古蹟

蕪州志

卷之三

古蹟

六

地豈不以人傳哉其人往其蹟畱後此有望古之思焉過舊治者戀白雲瞻遺田者倚浮玉匪直美觀由之以勵俗可也志古蹟

故城在安平鄉大河之東有鼓吹白雲之勝杜氏通典謂蕪為湖南北十州之舊郡也

翻車城在州東南八十里因與翻車河近故名舊志作英布城謂漢九江王英布築城於此以示背楚歸漢之意不確

三鐵一為治內戒石前三鐵缸一為鐵佛寺鐵佛一為

鐵牯牛形家言蘄州地如觶形俗傳三鐵鎮蘄陽鐵
缸明末癸未城破後爲江南人擊碎盜去鐵佛尙存
至鐵牛相傳在南城濠邊土內有人浴濠中偶觸牛
角城中遂犯火災

呂王城在州北四里缺齒山下相傳呂王築此

蘄口鎮在呂王城前今瀦水處卽其遺址舊傳金兵屯

白雲山移避蘄陽鎮卽此地以上舊志

涵輝閣在舊治子城上蘇子瞻在黃客有道其霽容天
在水春態柳藏橋之句軾欣然以色字易態字蓋賦

蘄州志

卷之三

古蹟

九

涵輝閣也自是涵輝之名益著方輿勝覽

豈弟忠恕安民思政貴簡雙桂雙蓮等堂俱在舊治皆

宋時建今俱廢府志

超然觀環翠亭俱在蘄春郡城輿地紀勝

煙霏樓見山樓俱在舊蘄春縣圍內今廢府志

溪堂在舊治南宋至和中吳瑛致仕時隱居處也名勝志

按司馬君實和吳庶侔送吳瑛歸隱詩云一朝投綬

眞高士萬卷藏書舊世家蓋紀其實也

四見亭舊在白雲山頂宋治平中范純仁建州人林敏

功爲之記後遷今治署後有亭仍以四見名之明知
州李榮祖重建有記詳藝文

國朝嘉慶年間知州顧澍改爲試鑑亭今廢新稿

橫車橋在州西六十里今驛路舖遞所在也宋嘉定辛

巳李誠之與金人鏖戰處志畧

仙人石在清水塘女足跡尙存舊志

烈女墩在蓮花池舊志

按顧氏論云蓮市湖俗名沿市湖湖中有曰彈子山
者相傳元總管張某二女至正末寇亂義不受辱連

新州志

卷之三

古蹟

三

袂赴水死後生此石墩云

康茂才宅在青山上鄉舊志

古教場其址有三一在城東濠岸一在城南一在掛口

江濱明吉安侯鍊軍處舊志

鳳凰臺在乾明磯相傳羅真人飛昇處

小山深處在州署內有樟樹三株明末獻逆陷斬夜見

三人擐甲持戈護城意卽樹神也今呼爲將軍樹詩記

詳藝文

江山一覽亭在鳳凰山兵備道劉亦齋建下有千仞亭

今廢

江山清趣亭在鳳凰山之南明洪治間錦衣衛指揮同

知孫瓚建今廢

記詳藝文

玩鶴樓在州東北山上有古松一株極蒼秀以上舊志

白雲深處亭在荆府內林木四匝翠峯環拱儼有清虛

之狀荆藩構亭於此今廢

詩詳藝文

沉香樓在麒麟山按遺址卽今內行宮地

梳粧臺在城內小教場遺址在今考棚前

以上新稿
詩詳藝文

浮玉亭在新生磯文昌閣下明萬曆十七年知州徐希

蘄州志

卷之三

古蹟

三

明構亭於上適梅川吳明仲給諫宴飲其上見水光

凝碧曰此浮玉也遂取以顏其亭今廢

詩詳藝文

鴻亭在州西南隅乾明磯禹王閣左下臨鴻宿洲

國初知州張士馴建今廢

莖草亭在東關外東山寺

風雲奇觀石在州治右明成化六年掘地得之首鑄此

四字後有詩二律無作者名氏荆藩移置邸中兵火

無存

七葉寮在鳳凰山今廢

詩詳藝文

趙所在兩湖北岸邑人李瀕湖著本草綱目處其孫副使樹初建芝鹿山房於其左今廢

白茅堂在北城外熊化嶺顧氏宅後

按顧景星得先世外家馮午山尚書藏書八十一厨杜門著述顏其堂曰白茅

四照堂在城南鷓鴣山盧參政綏建

詩詳藝文

雲路在青山下鄉歐家渡去渡數武有石鑄雲路二大字古勁可愛以上舊志

知足知不足二齋在大同竹田冲工部虞衡司陳詩著

蘄州志

卷之三

古蹟

三

書處

新稿

陵墓

或貴或賢例得紀墓州自明諸王以下貴且賢者多矣封樹碑誌皆不可攷茲但紀其可攷者志陵墓

明荆憲王朱瞻垌墓在永福下鄉復遷安平上鄉大泉山

荆靖王朱祁鎬墓在安平上鄉大泉山

荆和王朱祐欄墓在永福下鄉白雲山後改葬諸家湖韓家山與妃劉台窆

都昌惠靖王朱祁鑑墓在安平上鄉大泉山
惠靖王長子與父同墓

都梁悼惠王朱見溥墓在安平上鄉

都昌懷順王朱見潭墓在安平上鄉虎狼口

樊山莊和王朱祐構墓在安平上鄉袁家嘴

東都昌王東軒悼僖王墓在大泉山之陽

永定端穆王墓在州南迎山

樊山溫懿王第三子鎮國將軍墓在缺齒山冷水井

都梁悼惠王第二子鎮國將軍墓在州東黃土嶺之陽

蘄州志

卷之三

陵墓

三

荆恭王朱翊鉅墓在安平上鄉翁家寢

荆敬王朱常洽墓在安平上鄉湯家寢

荆康王朱常盜墓在安平上鄉熊家寢

都昌悼僖王朱祐檣墓在永福上鄉大王廟前

樊山溫懿王朱見溥墓在永福鄉蔡家橋

荆□王墓因國除無諡寇亂後葬李公氣墓并未封

荆端王墓在廣濟縣楊門張家寢

荆莊王墓在廣濟縣楊門武家寢

荆定王墓先葬廣濟縣朱老墳後遷無攷

蘄康國公父子墓俱在江寧鍾山祖墓俱在青山上鄉

康家冲 碑銘詳藝文

侍郎朱仕俊墓在黃土嶺

吉安侯柳良正墓在打鼓臺

千戶陳福清墓在鳳凰山麓

御史馮思齊墓在江寧浦口香爐山祖墓在安平鄉大

泉山第一泉側

大司寇馮天馭墓在頭鋪祖墓在迎山老美橋母墓在

馮家林

蘄州志

卷之三

陵墓

三

方伯華仲賢墓編修華巒墓俱在馬口湖

編修墓有李茶陵碑銘詳

藝文

知府劉樽墓在迎山麓

解元陳吉言墓在下路港迎山

參政顧敦墓在甕門桃樹山

參政顧問副使顧闕墓俱在缺齒山始祖士徵墓在鹿

耳石

御史周禧墓在符乾關外席盤石

太醫院判李時珍父言聞墓在竹林湖

警賢楚王府奉祠李時珍墓在州東竹林湖祖墓在大
教場

副使李樹初墓在州東東湖庵父同知建中墓在盤龍
嘴母彭恭人墓在廣濟栗木橋仙姑山嗣父建木墓

在竹林湖 墓誌銘詳藝文

知縣李雲慶墓在東湖庵

僉事李新墓在頭鋪地藏寺側

知縣田鵬墓在大金橋

進士田雨公墓在周公山

朔州志

卷之三

陵墓

三

方伯張思齊墓在菩提壩黃土塘

方伯張邦翼墓在圓峯山下張銘畝祖墓在蔡家店

都御使李儒墓并祖墓在竹林湖

參將李同春李棟墓在安平方家橋 墓誌銘詳藝文

主事李孟春墓在廣濟關聖村土名茅山娘

侍郎李盛春墓在廣濟望夫山六府林之左

副使李際春墓在永福段家倉壽眉山

總兵李楷墓在野狐山

鹽運使提舉李樸墓在烏林港 舊志作烏菱

參政李標副使李挺墓在崇居金鷲寺

御史饒京墓在竹林湖側今名饒家閣

御史王珙墓在楊門龍泉寺之左祖墓在渴口畝柏樹

林

副使晏攄忠墓在席盤石晏家壠山

知縣陳顯元祖墓在東山寺

指揮王啟墓在雨湖母墓在迎山王家林

墓誌詳墓志

都督同知程貞墓在安平彭祖平陽翁

同知張效葵知縣張承位墓俱在廣濟張家寢

蕪州志

卷之三

陵墓

三

知府馮汝承墓在州東五里八角塘

知州陳仁近墓在青山榔木冲祖惟聰墓在義龍窩啟

常墓在老鴉山

參軍沈士望墓在永福清水塘

知縣王御龍與侯孺人合墓在州東二十五里百福山

知縣李本衍墓在荒草畝其父李楨墓在廣濟劉玉林

繼母墓在徐家地

知縣孫民則墓并祖墓在永福鄉

知縣陳履中墓在崇居馬驛冲

知縣熊淇墓在迎山

補遺 附新增

宋閻濟令蒲遠猶墓在安平獨山麓

碑誌詳金石

明副使袁世振墓在洗脚湖

知府郝守正墓在南關外

知府蕭震墓與陳恭人墓在永福彭思橋大柳樹

流寓進士蔡相

卽州崇居蔡氏之始祖也

墓在崇居鄉木寨山下

都司沈槐山墓在北門外蓮花池沈家墩

知州易龍見墓在廣濟楊林舖郭陽冲

蘄州志

卷之三

陵墓

三

知州易可訓墓在城南迎山均

知州易之豫墓在永福黃泥塘答子地

知縣顧咸泰墓在迎山八方林

進士汪蘅墓在郝家壩

以上補遺

知州陳良翼墓在崇居石鼓冲口

工部虞衡司陳詩墓在安平鄉宋家嶺

進士劉之棠墓在迎山麓

遊擊何永清墓在大同栗木嶺

金石

自廬陵歐陽氏集古有錄而因是而作者諸家各有
專輯凡古人金石之文遂詳於紀載而不可磨滅矣
州金石無可攷天寶以來碑之佚者甚多其存者蓋
一二焉茲無論存佚備錄其名以紀之志金石

唐碑

龍興寺故法現大禪師禪銘并序 湖北金石存佚考

天寶元年李適之撰呂向書 碑文佚文見文苑英華

刺史杜敏生祠頌 同上

乾元三年五月張璨撰史惟則八分書 金石錄

蘄州志

卷之三

金石

三

碑久佚史惟則名浩天寶中嘗為伊闕尉集賢院待
制後至殿中侍御史集古錄云唐世分隸名家者四
人韓擇木蔡有鄰李潮及惟則也金石畧彙所書碑
凡二十八而生祠碑居其一焉惜乎不得見之 金石存佚攷

新城門頌并序 同上

貞元十八年符載撰 碑久佚文見文苑英華詳藝文

四祖塔院碑 五代碑見通志

李璟正書篆額保大三年正月十日在蘄州 寶刻類編

天福八年癸卯南唐李景立改元保大

五代史十國世家年譜

宋碑

閩清令蒲遠猶自撰墓誌

金石存佚攷

元祐六年豫章黃庭堅書簡宋觀道士陳善淵摹刻

墓在州安平鄉獨山之麓嘉慶十三年土人墾田得

之

俱同上文詳藝文

六逸石題名

同上

六逸石在三角山上鐫元豐八年三月三事陳同知

某文林即編修某避暑憇題并刻有詩

盧志

蘄州志

卷之三

金石

三

觀頤視履石刻四大字

金石存佚攷

淳熙乙巳仲□趙不迹為潘□書

錢志作潘震

蘄春三角

住山宗瑞石上

湖北通志

四字蘄水縣志以為趙不迹書蘄州志以為潘震書

實則趙為潘作也

金石存佚考

資福法堂記

同上

建炎二年釋惠洪撰

同上碑久佚文見石門文字禪

資福院禪師碑銘惠洪撰

同上碑久佚文見石門文字

教授廳記

同上

乾道九年朱子撰 同上

漸學舊有朱元晦教授廳記洪武初知府左安善摹

朱書體刻於壁 白茅堂集 碑久佚文見本集詳藝文

惠民倉記 金石存佚考

嘉定十三年夏五月真德秀撰 碑久佚文見本集詳藝文

漸春縣興學頌并序 同上

元季危素撰 同上 碑佚文見本集詳藝文

明碑

華伯瞻編修墓誌銘

漸州志 卷之三 金石 三

宏治中李東陽撰 碑佚文見本集詳藝文

顧氏祠堂記 新稿以下同

明王世貞撰 碑存文詳藝文

盧氏祠堂記

胡周龜撰 文詳藝文

北門李氏龍磯挂纜碑記

李炳然撰 碑現存文詳藝文

盧公神道碑銘

吳偉業撰 碑佚文見本集詳藝文